





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. K.6.63







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. K.6.63



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. K.6.63






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. K.6.63

Antonius Lollius geminianensis Reuerendissimis dominis. R.  
Vicecancellario. M. Sancti Marci. f. sancti Eustachij. S. R. E.  
Cardinalibus. Executoribus bo. me. Car. Matifconeñ. S. p. D.

Uram mihi decreuistis prouinciam Patres Rmi cui?  
si iure recusare administratione potuissem Libenti id  
effecissem animo. Sed ita res erat. vt si dedecus subiturus essem  
id subire voluissem potius in male administrando. q̃ in non p̃ueni  
do eorū imperijs. quib⁹ iam diu factus suz de dicitus. Orauim⁹  
Et qđ orationi deerat (deerāt enī omnia) placida supplēuit ve  
stre dñationis attentio. Quā cū ceteri accuratā viderint. vel me  
loqui grādia. vel suo assequi nō posse in genio estimarūt. Quare  
et habemus et agimus vob⁹s grācias (si vnq̃ p vos poterimus)  
relaturi. qui tali me dignū puincia cōsuisistis. Accipite ergo serui  
toris vñ primicias vt que auribus pcepistis. oculis castigare pos  
sitis. Cal. pridie kal. Octobris.

Antoñ. Lullij Geminianensis Oratio habita in funere domini  
Ph. Rmi Car. Matifconeñ. fr̃quēti. R. Car. Senatu.

A templo Appollinis delphici Patres Rmi scriptum  
erat Grecoꝝ vulgatissimū illud puerbiū  
Latine cognosce te ip̃m. Qđ verbū aquinas ille in satyra e celo  
descēdisse testat⁹. Nam qui seip̃m noꝛit. diuinū (inqt Cicero) se  
aliqd habere intelliget. videbitq; quēadmodū a natura suborna  
tus in vitā venerit. quātaq; adhauriendū sapiāz secū portauerit  
instrumenta. Hoc verbū si ego prius q̃ hunc locū p̃scenderē recte  
aio reuoluissem. nunq̃ cōmisisset. pculdubio. vt supra vires meas  
debilibus humeris tā graue onus imponere. Presertim cū in eo  
me loco videā constitutū. quo vniuersalis ecclie colūne. ac clarissi  
ma tori⁹ orbis lumina puenērūt. Vincit tñ me patientia vñ. atq;  
humanitas plusq; apud me illa valet vt loquar q̃ mea vt taceam  
prauitas. Vincit me maior meoꝝ imperiū. quibus (modo me p̃





berem morigerum. Ignorantie mee arcana detegere non curavi.  
Si camen mihi hodie illud acciderit quod plerisque oratoribus cla-  
ris contigisse prisorum monumētis accepimus / vt a me ipse ora-  
do deficerē / ea obsecro in me vtamini pietate: qua vti solent hij /  
qui alijs iugum imponere consuerunt.

Urelius ille Augustinus eloquio ingenioque clarissim⁹  
edificatis sue ciuitatis menibus / habitatores in eam  
Stoicos introduxit / vt cum illis de philosophie dogma-  
tibus / secretisque certaret. Venientibus in humane conditiōis di-  
sceptationem: varie opinionis erurgunt. Videtur enim nonnul-  
lis mortis conditio acerbissima / et omnibus prosequenda singul-  
bus. Alijs vero felicissima. Sunt et qui medium quoddam eligen-  
tes et humanitate mereant: et immortalitate letentur. qua quide-  
in re si litterarū / si philosophie vertices / distractos in diuersa con-  
spicio / non immerito ipse homululus anceps hodie sum. Patres  
Reuerendissimi an huius optimi patris Philiberti obitu dolere  
oporteat / an letari. Tria ergo personarum genera diuersa inter  
se sentientium pro virili nostra collegimus. Vulgarium scilicet.  
Stoicarum: Catholicarum: Quarum opere precium erit ratioēs  
intelligere: Quibus (vt sententia deinde ferri possit) molestū nō  
sit humanissimas simul et eruditissimas aures vestras accommo-  
dare. Sed imprimis quas rationes vilis plebicula / et ignauū vul-  
gus in medium adducat / audite.

¶ Tribus de causis dolendum esse mortalium excessu vulg⁹ exi-  
stimat. tum mortis ipsius conditione: tum seruitute impensa: tum  
veterū exemplis. Dura namque et horrenda est (inquit) mortis condi-  
tio. Nec fieri potest (nisi oīno efferati simus et hircanis similes ti-  
gribus) quin eorū commoueamur interitu / cū quibus iuncta nobis  
animorū vincula extiterunt. Nonne Orestes deplorabit Pylades  
Nonne Castora pollux? Nonne Curialē Aīsus: Que hircania ta-  
les feras enutrijt? Quis caucasus. Quis Protheus tā dura cor-  
da formauit. Jacet nunc illa Reuerendissimi patris Philiberti



erudita differtaq; lingua. Jacet ille vir Clarissimus. Strata est  
vna ex ecclesia christiana columna. Quis ergo non consternabi-  
tur? Quis non dolebit? Videns subtractis basibus mancum esse  
edificiuz. Quo obsecro viueretis animo. Propti. si quibus domus  
et palatia vestra fulciuntur corruisse marmora videretis? Si esse-  
tis edium ruinas minantium incole? Puto pauerent omnes. Co-  
tremi cerent omnes. Dolerent omnes. Quanto magis ergo do-  
lendum est nobis qui ecclesie nostre tibicines cernimus esse col-  
lapsos. Et quos tibicines eos profecto qui soli sustinere totam  
machinam voluisset. Scitis enim qualis viri hodie celebrenus  
erequias: qualis vite Qualis prudentie Scitis qualem iacturaz  
eius amissione fecerimus: Quam viduam ecclesia reliquerit. Huc  
si deplorare debemus videamus que in eo partes fuerint que de-  
ploratione sint digne. Originem trahit Reuerendissimus pater  
Phylibertus ex nobilissimo Gallozum genere quod vetustissimi  
grecozum et latinozum summis laudibus extulere cosmographi.  
Nec parui refert ex qua quis patria natus sit. Nam simonides il-  
le Lyricus non mediocrem hominis beatitudinem nobilem pa-  
triam dicit. Hanc Gallozum gentem eloquentissimis sapientissi-  
misq; viris refertam diuus scripsit Hieronimus: apud quos (vt  
annam vtamur testimonio) grece primum. deinde latine litte-  
re vigerunt. et vigent. Unde nostri (inquit ille) gallicana elo-  
quentia gloriati sunt. Innumerabiles theologi ex hac patria pro-  
dierunt. Ita vt equo troiano merito conferri possit. Nam vt  
ex illo strennui milicij duces egressi sunt sic ex Gallicozum  
gymnasijs theologie optimi professores eluceant. Adeo seruitu-  
tem abhorruit Gallozum gens vt ex iurisperitorum sententia  
ne filios quidem proprios sub patria potestate haberent. Ex hac  
ergo nobili gente ortus est Phylibertus. et sicut ei patria. ita ipse  
patrie splendori fuit ac ornameto. ¶ Natus est in mariscione  
si oppido ac nutritus: Ubi prima lra; didicit elemēta. Diuione;  
deinde studioz gracia se recepit. Inde Taurinū missus cesareo



virī operam nauauit sedulo. In Papiensi vero studio (vbi p sex  
annos morā traxit) ita profecit/ vt in vtroq; iure doctoratus api  
cem mereretur assumere. Receptis insignibus ac doctor declara  
tus ad patriam redijt. Vbi a patruo suo Matisconenli Epō ad  
quandaz (vt ipsi dicunt) officiatu dignitatē promotus/ nō mul  
to post in eiusdē ecclīe decanū elect<sup>9</sup> esi. Accersitus deinde a fra  
tre germano Guilielmo Ugonetto Illustrissimi ducis Burgūdie  
Cancellario dignissimo ad Paulū prius. ad Xp̄stū deinde pon  
tifices maximos. Tercio ad Serenissimū Ferdinandum Regem  
designatus est/ ac missus orator. Decedente patruo/ ad Matisco  
nensem cathedram vocatus est. 7 p̄cibus Illustrissimi ducis Bur  
gūdie confirmatus. In qua qdem dignitate tale sue virtutis: ta  
le sue vite periculū fecit/ vt anno secūdo Xp̄sti p̄t. max. in cardī  
naliū num̄ez sit relatus. Cum quibus vndecimū versatus annū  
ac menses quattuor/ om̄ibus ecclīe sacramentis deuotissime ac  
xp̄ianissime susceptis humanitatē deposuit. Hui<sup>9</sup> patris Rmi qd  
vobis fidem: quid facilitate: quid ingeniū: quid erimiā rex om̄  
experientiā commemorē patres: quid liberalitatem: quid animi  
magnitudinem: iusticiam: equitatem dicam. Que omnia (licet  
ex omnibus singula ad consummatum sufficere posse/ hominem  
videantur) in eum tamen simul veluti facti agmine concurre  
bant. Adeo vt quicquid eorum alibi reperiri poterat/ ex illius pro  
diisse armario credi posset. Plorate ergo littere cultorem vestrū.  
Obijt enim ille/ qui vos in ceno ac sordibus iacētes erigebat. De  
functus est ille/ qui ad lucez vos e tenebris reuocabat. Raptus no  
bis est ille/ cuius semper commercio utebamini. Obijt mecenas  
vester. Fabius vester interiit. Diem clausit procuculei<sup>9</sup>. Humani  
tate spoliatus est Lentulus.

**T**ransio innatam dñi huius humanitatez: qua omnes. (suo  
tñ decore seruato/ ac dignitatis sue rōe habita) psuevit amplecti.  
Non enim se (vt multorum est) propter apicem extollebat. Sed  
fortune mutationes considerans/ id videbatur attendere/ in tuis  
manu esse/ euehere humiles/ superbosq; dep̄imere.



Locatos sibi esse oculos in fronte arbitrabat̃ non vt terram sed  
celum suspiceret. Unde ab auaricia: Cupiditate: in vita sua sem-  
per abhorruit: Cuius testis est munificentia: quam non modo in  
bene de se. meritos sed et in eos quos nunq̃ vidit exercuit. Et  
quid aliud Patres optimi nisi summa liberalitas fuit: que hunc  
patrem Reuerendissimum ere alieno dimerit: attentis optimis  
moribus: attenta continentia: modestia: qua ipsum natura orna-  
uerat: honestauerat: insigniferat: Doctis ac claris ingenijs sem-  
per fauit: Quod domus sua tota declarat: Cui tale virozum orna-  
mentum reliquit: quo cuiuslibet principis ipsius etiam curia im-  
peratoris honestari posset. Non possem (nisi presens esse) virtu-  
tes dotescq̃ huius inclite familie preterire. Non tamen fidem hac  
silebo / quam vsq̃ ad vltimum sui domini spiritum eam seruasse  
conspicitis. Sibi enim serui iudicauere congruere / oculos pijs-  
mi domini morientis ocludere. Qui (si stamina ei sorores ille p-  
pensius traduxissent) bñmerit? de ipsis multo extitisset vberi?  
Quid eius integritatez direro? Equissimus enim semper iuder  
fuit. Ita tamen equus: vt iusticiam non desereret. Ita iustus vt  
ab equitate et misericordia non abiret.  
Omitto singularem in eo canonum peritiam. Dignitati sue pecu-  
liare studium: Cui (licet in delicijs versari posset) manibus ta-  
men (vt dicit̃) et pedibus diligenter incubuit. Considerauit em̃  
non ad blanditias sed in partem sollicitudinis accersiri prelatos  
Qui (iuxta orthodoxas patruz sanctiones) ignorantiam a se ve-  
luti pestem quandam tenentur abicere.  
Hec omnia et his maiora q̃ plurima inprestantissimo hoc viro et  
et audiri poterant et videri. Aunc vero abiit in puluerem. Et diu-  
turni temporis labores vna hora consumpsit. Quare fieri non  
potest (inquit vulgus) quo eius interitus molestissime non se-  
ratur: ab his presertim: qui sibi vel necessitudine aliqua fuerant  
vel propinquitate coniuncti. Et quorum spes ex sue vite spiritu  
summa pendebat. Quiq̃ ex sue dominatiōi impenso seruitio ere-  
ctionem vel emersionem consequi aliquam autumabant. Nam



si optimorum virorum vita expetenda est / et orandus immortalis  
deus / non solum ut illis diuturnum / sed perpetuum tempus indul  
geat / Certe non est sine luctu ac meroze ipsorum dissolutio transi  
genda: Tum ut consuetudini non desimus: Tum ne (siccis ocu  
lis transeundo) videamur / vel a nobis ademisse humanitatem:  
vel non amasse defunctos. Preterea instar nepharioz homi  
num viderentur lachrymas non meruisse. Quemadmodum si  
perditissimos quosque et sceleratissimos vel capite percuti: vel alio  
quouis supplicio contingat occidi / Certe in eorum obitu risum  
potius quam dolorem excitari videbitis. Cum nemo tam inimici tam  
ferino sit pectore / qui non velit mortem suam aliquo lachryma  
rum et nenie genere celebrari. Idcirco accepimus Herodem illum  
qui se ad crudelitatis genus omne deflexerat (cum sibi persua  
deret leticiam iudeis eius interitum allaturus) precepisse Salo  
me sorori sue / ut iudeoz nobilissimos illos quos carcer habe  
bat ipsius emissio spiritu eue caret. Ut iudea que ipsum vinum  
deflexerat / defunctum quoque lugeret. Quid plura Patres opti  
mi. Cur in magnis funeribus vestes lugubres: Cur fletus: Cur  
lamentationes aspiciamus: Non fierent hec si digna reprehensio  
ne essent. Nonne in vberrimas lachrymas prorupit Jacob / cum  
falso a fratribus nunciatam Joseph filij mortem audiuit: Nonne  
sua discidit vestimenta: Quid in Absolon obitu de David di  
cam: quem secundum cor suum sibi deus elegerat. His ratio  
nibus Patres Reuerendissimi plurimum angi debere naturali  
concessione ipsum vulgus existimat.

Cui tantum licentie lachrymis concedenti / Ille rigidus Stoi  
cus ac mox censor occurrit. Rugas contrahit: Frontem obducit.  
Quid inquires ais cum muliebri sententia imperium Vulgus.  
Responde obsecro bono ne an malo tristari oporteat. Malo in  
quies / At mors malum non est. quod tibi et re et argumentis  
ostendam. Si enim post mortem nihil esse dicimur / malum  
non est mors. Ausert enim sensum mali. Si autem extinctis cor



poribus supersunt anime vt supersunt / immortalitatem habemus. Gaudemur ergo. quia meliorem nobis statum est allaturus interitus. Quare minime mirum est si Eglesia cirenai/ co vite huius deplozante miseras / qui eum audiebant in seipsos iniecere manus. putantes ( soluta ex ergastulis corporis ani/ ma ) vera se immortalitate potiri. Quod et Cattho. Ambracio/ tes. Theobrotus. aliq; effecere quamplurimi. Quod et fieri Magister gentium Paulus concupiuit. Nonne illi maxi/ me increpandi sunt viatores / qui cum sint ad multa milia pas/ suum profecturi / ad primum deficiunt lapidem: Si ad patri/ am celestem tendimus: Si ad eam natum esse hominem intelli/ gimus: Si ad hunc finem non potest ( nisi morte interuenien/ te ) transferri / Quis mortem non optet: Quis eam defleat: Quis singultiat: Nisi qui primum lapidem transire non curat. Nisi qui deorsum non sursum fixere oculorum obtuitus. Morien/ dum itaq; et leto quidem animo calcanda semel via leti / cum ex ea immortalis vita repululet. Nonne si cum deterrimo de/ trusum carcere: compedibus / manicisq; constructum solui con/ tingat / exultare debemus et plaudere: Et quid aliud vita homi/ num est / nisi carcere detrudi: Compedibus astringi: Ma/ nicis ligari que non sinunt nos volatu libero progredi / quo opta/ mus Si magnis agitatum procellis hominem. ad portum vide/ remus appellere / Inuidere diceremus potius q; dolere. Si eius appulsionem merenti animo prosequamur. Infantiam lu/ gebant veteres. et progressus primos in lucem. Miseriarum. Ma/ lorumq; presagium. Decessu vero exultabant. Intelligentes pro/ fecto iam mundi prelio / expectari victoriam. Si orditur ergo a/ lachrimis infantia. vt nascentium puerorum vagitus ostendit. Consequens est vt ordiri a letitia mortem dicamus Nec mihi in/ sui ortus initio risisse zoroastem adducat antiquitas cum mala/ rum artium omen risus ille portenderit.

Laudemus Anaragoram potius: qui immoto vultu nunciato fi



Iij obitu mortalem se genuisse respondit.

Landemus Celantem. Veneremur Empedoclem.

Dos tibi o Vulgus imitandos propone. Non auiculas mulieres  
que vt flerent oculos erudiere suos. Quarum lachryme nescio  
an oriantur citius an arescant. Cur queso morte dolendum

fit cum vanitas: afflictio sit. omnisq; vita supplicium. Cum nul/  
la sincera voluptas: Cum extrema gladij occupet luctus.

O miseram hominum conditionem. O vitam lachrymabilem.  
que hominum dei ymaginem: hominem dei plasmatum mani/  
bus in huius mundi ceno implicitum teneas et obuolutum.

Non iniuria ergo exclamabat ille. Quis me liberabit de carcere  
mortis huius. Quid homine viuente sordidius? Considerate ob  
secro patres optimi. Quid per os. Quid per nares. Quid per  
aures. Quid per oculos. Quid per ceteros corporis meatus egre  
diatur. Vilius sterquilinum nunquam vidistis.

**¶** Quid ergo superbis homo? Cuius conceptio culpa. Nasci pe/  
na: Labor vita: Necesse mori: Post mortem vermis: Post ver/  
mem fetor et horror. Et sic in non hominem vertitur omnis ho/  
mo: Quid anima a corpore soluta purius? Quid splendidius:  
que carneis soluta neribus ad celum (vnde est de lapsa) reuer/  
titur. Homo immortalis erat. Inmortalitatem reatu primi pa/  
rentis amisit. Quam cum spiritus efflatione recuperare possit ⁊  
quotidie morte recuperet.

**¶** Tristabimur patres: Dolebimus patres: Plorabimus patres:  
Absit vt diuinum animal. Rationale animal consternetur si per  
humanam hanc dissolutionem peremnitatis preciosissimum il/  
lud munus acquirimus. Nostrum patres miserendum est / qui  
inter pelagi fluctus annamus. Illi portus attigerunt suos.  
Ad metam sunt. Et nobis sub graui onere anhelantibus morta/  
litis sarcinam abiecerunt. reprime itaq; o Plebecula lachrymas  
⁊ hijs congratulare qui obeunt.



**A**rgumentante Stoico: et augi propter mortuos prohibente iam  
 se offert Catholicus: Qui auream mediocritatem seruans: Tem-  
 peremus (si placet) Stoice inquit hanc tuam in humanam: im-  
 mitem: ferinam: Et vulgi nimis eneruem sententiam. Permitta  
 musque pios christianos de carorum suorum morte tristari: dolore tamen  
 sanabili: et fletus effundere: quos tamen reprimat fides nostra:  
 qua eos transisse ad meliorem frugem qui hominem exiit opinamur.  
 Quis matrem (nisi mentis inops) in funere nati flere ve-  
 tet: Sed feras saltem postea imitemur: que fetus suos amissos non  
 longo tempore ululant. Impleant ergo homines humanitatis of-  
 ficia. Impleant et rationis: et fidei Quis Aero: Quis Phalaris:  
 Quis dionysius: si fidissimum aliquem nactus sit eius non egre  
 ferat absentiam: etiam si post annos reuersurus speretur. Quomo-  
 do non augetur magis: si nunquam se amplius habitum eum ante  
 oculus estimaret. Et qui hoc morte contingit. Defuncti enim non fle-  
 ribus: non ululatibus reuocari possunt. Pauci sunt Lazari: pauci vi-  
 duarum filii. Una tantum nobis spes ac consolatio relicta est: qua uni-  
 uersi in nouissima die a deo iudicandi resurgent. Quam diem uti-  
 nam non ire: non calamitatis: non miserie videamus. In qua fa-  
 cta nostra tanquam in tabula quadam depicta monstranda sunt. O  
 quantis (inquit Hieronimus) in illa die expedisset / si membro-  
 rum sensu et viscerum vigore caruissent.  
 Quanti illic elingues et muri feliciores loquacibus tunc erunt.  
 Quanti pastores philosophis: Quanti Rustici oratoribus.  
 Quanti hebetes argutis preferendi sunt Ciceronis. Ad sonitum  
 enim illius tube stultus Plato cum discipulis adducet. et Aristote-  
 li argumenta non proderunt.  
 Quare patres Reuerendissimi auditis partium rationibus possu-  
 mus iam tribunal ascendere: Et liberam proferre sententiam. Et decernere  
 huius optimi patris obitu humanitatis gratia dolendum esse. Et spe fi-  
 dei gratulandum. Cum eius vita tales mors induerit: quibus de salute  
 ipsius dubitare nullatenus debeamus. Quis enim non existimet (ait Si-  
 machus) eum sanctum esse quem apertissime sublimitatis attollit.



**U**num restat vt pensemus patres ⁊ nobis moriendum esse: et  
quotidie mori posse. Quam legem nature necessariam non pre-  
ces possunt: non opes: non dignitates immutare. Alius alio no-  
bilior est: Alius alio ditior: Alius dignitate prestantior: Hoc solo  
adequamur omnes: q̄ morimur omnes. Equo enim pede paupe-  
rum taberne: regūq; pulsantur turres. Noxet animus dicere. S;̄  
quot ampla imperia deleuit mors. Quot strenuos duces: Reges  
imperatores extinxit.

Ponite Alexandrum ante oculos: Cui vnus non suffecerat orbis  
Estuat infelix angusto limite mundi vt giare clausus scopulis  
paruaq; seripho. Et tamen. et tamen ( repetam ) Sarcophago  
contentus adest: hoc est sepulchro.

Ponite ante oculos Hannibalem: quem tota non capit ap̄rica  
mauro. Percussa oceano niloq; admota repetenti. Et qui actum  
inquit nihil est: nisi poeno militie portas frangimus: ⁊ media ve-  
rillum porro subura. Exitus ergo quis est: vincitur idem nempe  
⁊ in exilium preceps fugit. Et tanti sanguinis in Bythinia annu-  
lus ultor fuit.

Ponite magnum illum Pompeium: qui ( post acceptam in pon-  
to a Lucullo calamitatem ) Aliam Romano populo restituit.  
Qui mithridatem insolita inflammatum victoria cōtinuit: Qui  
Tygranem magnis copijs immitatem Asiæ retardauit. Quot  
libras nunc in duce summo inuenies? Jacet nempe Sept' mij ob-  
truncatus manu.

Hec mors non diuitijs: Non potentie: Non etati: Non sapientie  
parcit. Oñia pari ruina inuoluit: ac conterit. Hanc non Anthe-  
us: Non Hercules. Non Samson: Non Hector: Ad Achilles eni-  
tarūt. Non ⁊ ipsi philosophi. Ubi sunt amici ⁊ familiares nr̄i  
qui ante hec pauca tempora nobiscū erant. Abierunt in cineres:  
Abierunt in vermes. Et tamen homines fuerunt sicut nos o pa-  
tres. Comederunt: Biberunt: Riserunt: In curia erant: Ad pala-  
cia equitabant principū. Nunc vero de se vermibus esculenta p̄-  
bent. Ubi sunt tot principes gentium? Ubi sunt Reges illi Affri



or: Belus: Minus: Semiramis: zameus: Arrius: Athalius: Xer/  
 res: Ubi sunt Reges Persar atq; Medoz: Darius: Cprus:  
 Artareres: 7 ceteri Ubi Reges Atheniensiu: Cecrops: Gra/  
 uan?: Amphitriton: Crictonius: Pandemon: Ubi estis Reges  
 Lacedemonioz: Erascher: Egis: Lethrate: Labotes: Doriste:  
 Ubi estis Sicioniop principes: Gelippe: Egialeu: Europs:  
 Melcine. Ubi sunt Ptolemei 7 Pharaones. Ubi iudices 7  
 reges iudeoz. Moyfes: Josue: Othoniel: 7 reliq. Ubi reges  
 Latinoz. Ubi Albanoz. Ubi Romanoz Reges Ubi  
 Cosules: Ubi Tribuni: Ubi Decē viri: Ubi Im/  
 peratores. Ubi (vt ad nros deueniam?) sunt pōtifices leo/  
 nes: Ubi sunt Gregorij Pape. Ubi Bonifacij. Ubi  
 tot Romane ecclesie Cardinales Reuerēdissimi. Ubi tot sa/  
 pientes seculi Philosophi: Astrologi: Historiographi: Oratores:  
 Poete: Ubi deniq; multi sunt / quos diebus nris 7 vidimus  
 7 cognouimus: Nempe omēs illuc iuere: Quo diues Tull? 7 An/  
 cus Omēs in terram 7 matris sue viscera reuerli sunt: Omēs eo  
 profecti sunt: quo 7 paulo post profecturi omēs sumus.  
 Quid ergo magnificam? domos: Qui Vineas: Hortos. Poma/  
 ria tanta cura conferimus: Quid aquaz piscinas extruim?: Ce/  
 lum querendum nobis est: Patres: De morte cogitandū est: p̄ies.  
 Dñs Phylibertus heri nobiscū erat: Loquebatur: dominabat:  
 Hodie iam non est nobiscum: Obmutescit: 7 tantille vine spatio  
 contentus iacet: De quo tñ optime sperare omēs debent Cū non  
 nisi ad virtutē: probitatē: vnitatē opera viuētis intēderint. Ei?  
 itaq; exequias non pliriori sermone sed oblationibus ac sacrifi/  
 cijs celebremus: Nosq; ita ad mortē parem? vt q̄ hora hostiū pul/  
 sauerit xp̄s sui semper hospites esse possimus.

Diri.

Inno. viij. pont. Maximo. Mens. i. Die. xxvij. Anno incarna. do  
 M. cccc. lxxiiij.

